

Ti vurria di

Ti vurria d'ì, fratellu terraniu
Ti vurria d'ì, ch'ì eo s'ò orfaniu
D'un idea santa, d'un lume supranu
Ch'ì schjariva l'ore in primu veranu.

Ti vogliu cuntà un locu più bellu
Un spechju arrimbatu à un core zitellu
Ch'ì l'omu incabbiatu metisse à bramà
Per stancià a so sete di fraternità.

È ti vogliù d'ì ch'ì u mio core pienghje
Un zitellu caru, una libertà
Ch'ì solu l'amore puderà fà spenghje
Issu focu sanguinosu in la so pietà.

Ti vurria d'ì, issa petra fatata
Chjara cum'è l'acque di lu sunnià
Ch'ì ribomba in core ad ogni cantata
Cum'è una parulla ragiu d'unità

Eo vurria scrive issi passi cun tè
Nantu à un'aria nova di terra impastata
Cambiendu isse brame di pocu valè
in farfalle d'oru ad ogni abbrucata

Poi infine ditti ch'ì u mio core spera
In un'alba chjara, in a libertà
Micca in quelle nera ch'ì rima cun guerra
Ma in issa stella rara, detta umanità.